

札

樸

序

友有相慕而終不可見者未始非神交也余自罷歸
錢少詹曉徵王侍御懷祖廬學士紹弓因知曲阜有桂
君未谷者學問該博作漢繇尤精而不得見覲其南來
或可見之已而未谷由山左長山校官成進士出宰雲
南永平以爲是恐難見矣余僑居姑蘇久壬申薄遊新
安而歸得晤山陰李君柯溪刻未谷所撰札樸十卷方
成屬余序之余甚喜以爲未谷雖不可見而猶得見其
遺書也未谷深於小學故經史子集古言古字有前人
言之未能了了而一旦豁然理解者豈非訓詁家斷不

可少之書耶況其考核精審有資於博物者不可枚數
柯溪亦官滇與未谷時多商推論定柯溪之告歸也未
谷以此書授之俾刻之江左未谷是年沒於官而柯溪
乃於十年後解囊刻之不負鄭重相託之意是真古人
之友誼可以風示末俗者矣抑柯溪言未谷尙有說文
正義六十卷爲一生精力所聚今其橐藏於家吾知海
內必有好事者取而刻之持贈後學庶不見未谷者可
以見未谷之全也哉嘉慶十八年七月中元日金壇段
玉裁書於閬門外枝園

桂未谷札樸序

古之學者有四曰義理之學曰經學曰史學曰辭章之學而考據不與焉非無考據也考據卽寓於四者之中也我朝學者始有考據專門其大要本之三通玉海等書蓋以百餘年來欣逢

稽古右文之主惟時在朝在野者能以實學相尙其所撰述俱足裨益治體沾溉藝林故治經者有李安溪方望溪諸君考古者有閻百詩沈自南諸君訂譌者有毛西河胡鳴玉諸君辨證金石與山川古蹟者有王竹雲錢竹汀顧亭林陳宏緒諸君今讀曲阜桂未谷大令之

札樸而服其學之有兼長也大令負穎異之姿博極羣書自六經諸史象緯輿地財賦河渠算數歷律之學與夫六書聲韻方言風俗之類罔不根究其原委剖悉其疑似所列書目有六首溫經以漢唐注疏爲本參以各家之說其折衷之權當則安溪望溪也次覽古其援據之宏富考覈之精詳則百詩自南也次匡謬嚴而不失之苛辨而不失之鑿則西河鳴玉也次金石文字其搜羅墨本有出於集古金石錄之外者則可與竹雲竹汀鼎足也次鄉里舊聞次滇遊續筆則方駕乎亭林之營平地名記宏緒之江城名蹟記也雖曰考據專門而引

證奧博詞藻古雅實能兼義理經史辭章四者之長而
自成一家之言豈剽賊陳言者所敢闖其門逕哉昔人
論朱竹垞工詩古文詞而兼長考證以大令視之其何
能多讓乎大令以名進士出宰滇南退食之暇撰成是
編貧不能付梓乃以艸稟授同寅山陰李柯溪少尹少
尹風雅好古敦氣誼重然諾遂出己財屬浙西鮑淥飲
先生校刊時先生年八十餘終日不釋丹鉛見此書以
爲得未曾有乃潛心讐對凡五閱月而欵刷奏功先生
手所刊本兩過鶯脰湖委余爲序夫余與大令神交二
十餘年每以未得與之上下其議論爲憾今得讀其平

生之著述差足慰向慕之心也余竊惟爲學而至於考
據考據而至於如是之精推其爲傳世行遠固鑿然而
無疑者况又得少尹與先生資助而告成之其有功於
大令豈淺鮮哉而余得附名卷末亦厚幸矣若欲弁言
簡端則我豈敢

嘉慶癸酉歲大暑節前二日吳江翁廣平拜手撰

札樸第一目錄

溫經

悶

拯

襖

輿說輶

覓陸

日中見沫

鼻

旬

冶容

卦氣值日

甲拆

靜言

平秩

六宗

昏墊

載

文選引書句讀

子弗子

臣哉鄰哉

邁

夔夔

下土墳壚

赤埴墳

畧

東出於陶丘北

雲土夢

三江

齒革羽毛

怪石

刻

執夷

考終命

蒙

不昏作勞

度乃口

卣

宅心知訓

無逸

咸和萬民

天命自度

耽樂

翼日翼室

罔可念聽

不克開於民之麗

予造天役

天閔愍我成功所

既底法

越茲蠹

燄燄庸庸

頒

師聽五辭

泯泯棼棼

攘

格命

惟貌有稽

徐奄

獲筭

罔攸賓

簡

亶

餘波

芼

慇

楸杙

湘

簡

蘊結

鶉之奔奔

聊

諼草

剝棗

熾燦

餽

訕

芑

警警

會朝清明

魚鼈

名

緡

厭厭

平平

馬祖

赫

蹂潤

禮天子所御

善走

柞

嗒嗒淒淒

滅滅

淵回

抗

夜何其

茀

靡神不宗

讐

九折之澤

翳

媚

掃

壑

茶

謹就

駟駟牧馬

疹

忖度

服箱

變

遁

優

升氣

唐棣

繼繁

蓺

演安

厭

啐

苟敬

韋當

繹

楮

絹綱耳

豐

掘

楣

聘禮記脫誤

修止

種麥

鵠

凌室

楅室

失色

相保

求牛

巢

師都

琢駟

忌

翦闔

五盾

畿

椋

司刺

毘

枯

要辭

輶

駟琮

伯用將

鬻落

緜緣

雉

經

次舍

學官

呼

陵躡

桃菊

防墓崩

子卯

惊

裨

謙

示諸掌

洩

脩

五庫

益其長

今月令

均田

坯

麻疇

爛

吟于鬼神

箭筈

績

札樸第一目錄終

札樸第一

曲阜 桂馥 未谷

往客都門與周君書昌同游書肆見其善本皆高閣
又列布散本於門外木板上謂之書攤皆俗書周君
戲言著述不慎但恐落在此輩書攤上也他日又言
宋元人小說盈箱累案漫無關要近代益多枉費筆
札耳今與君約無復效尤馥曰宋之夢谿筆談容齋
五筆學林新編困學紀聞元之輟耕錄其說多有根
據卽我

朝之日知錄鈍吟雜錄潛丘札記皆能霑溉後學說

部非不可爲亦視其說何如耳嘉慶紀元之歲由水
程就官滇南舟行無以遣日追念舊聞隨筆疏記到
官後續以滇事凡十卷以其細碎竊比匠門之木枰
題曰札樸烏呼周君往矣惜不及面質當落書攤上
不邪壬戌八月忍媿陋生桂馥書於順寧

溫經

問

易乾卦遯世無悶呂氏春秋本生篇下爲匹夫而不憚
高注憚讀憂悶之悶義亦然也

拯

明夷用拯馬壯鄭注拯承也艮卦不拯其隨釋文作承音拯救之拯玉篇承下引聲類云拊字列子黃帝篇使弟子竝流而承之注云承音拯馥案字本作拊與承聲義相近魏晉人因造承字隋唐人改作拯鄭注天官職幣地官司徒竝作拊

褫

訟卦或錫之鞶帶終朝三褫之鄭本褫作拊淮南人間訓秦牛缺遇盜拊其衣被高注拊奪也

輿說輶

大畜輿說輶鄭本作輶云輶伏兔考工記加軫與輶焉

鄭司農云輶謂伏兔也疏云伏兔漢時名今人謂之車
殿是也左傳正義云子夏易傳輶車下伏兔也今人謂
之車殿形如伏兔以繩縛於軸因名縛也馱案伏兔卽
鄭本之輶也名縛者輶也孔君以縛與伏兔皆爲輶誤
小畜輿說輶釋文云輶本亦作輶馬云輶車下縛也

莧陸

莧陸夬夬虞翻本作莧睦云莧說也莧讀如夫子莞爾
而笑之莞睦和睦也案詩新臺燕婉之求說文引作睨
婉睨目相戲也

日中見沫

廣韻昧莫撥切星也引易日中見昧易釋文云沫徐武
蓋反又亾對反微昧之光也字林作昧亾太反云斗杓
後星王肅云音妹鄭作昧服虔云日中而昏也子夏傳
云昧星之小者馬同薛云輔星也馥案此言鄭及子夏
作昧與字林王肅異轉寫誤爲昧若果作昧則與字林
王肅同無事煩言矣釋名職末也說文𦵏或作𦵏春秋
隱元年公及邾儀父盟于蔑公羊穀梁竝作昧文七年
晉先蔑奔秦公羊作昧以聲求之當從本末之末說文
無昧字或脫漏

玉篇昧莫割切星名又有兩昧字一音莫潰切冥也

昧爽旦也一音莫蓋切明也又斗柄此爲宋人重修所亂

鼻

玉篇鼻馬縣足馬後左足白具此二義易乘馬驢如馬融曰驢如不進之貌震爲馬鼻足故驢如馥謂此縣足之說也說卦其於馬也爲鼻足虞翻曰馬白後左足爲鼻震爲左爲足初陽爲白也馥謂此後左足白之說也

句

豐卦雖旬无咎王注旬均也馥案說文旬徧也均平徧也釋訓昫昫田也釋文云本或作畇字林云均均田也

冶容

太平廣記引易蠱容誨婦南都賦侍者蠱媚五臣作冶媚一切經音義云聲類蠱弋者反周易作冶冶容誨婦劉瓛曰冶妖冶也西京賦妖蠱豔夫

卦氣值日

京氏易以卦氣值日其法精密余考之易軌而得其說蓋以坎震離兌四卦卦別六爻爻生一氣主二十四氣其餘六十卦三百六十爻爻主一日餘五日四分日之一以通閏餘

甲拆

解卦雷雨作而百果草木皆甲拆鄭本作甲宅注云皮
曰甲根曰宅馥案蜀都賦百果甲宅

靜言

堯典靜言庸違傳云靜謀也言其工自爲謀言起用行
事而違背之文十八年左傳說其工云靖譖庸回注云
靖安也庸用也回邪也文十二年公羊傳惟譏譏善靖
言何休云靖猶撰也馥謂靜靖靖皆假借當爲諍謂其
善爲諍語說文詁下云諍語詁詁也

平秩

平秩東作大傳作辯秩周禮馮相氏辯其序事以會天

位鄭注辯其序事謂若仲春辯秩東作仲夏辯秩南譌仲秋辯秩西成仲冬辯在朔易詩采菽平平左右傳云平平辯治也韓詩作便便左傳引作便蕃服虔云平平辯治不絕之兒洪範無黨無偏王道平平傳云言辯治

六宗

六宗鄭氏以爲星辰司中司命風師雨師案月令孟冬之月天子乃祈來年於天宗鄭注天宗謂日月星辰也季冬之月乃畢山川之祀及帝之大臣天之神祇鄭注孟月祭其宗至此可以祭其佐也帝之大臣句芒之屬天之神祇司中司命風師雨師馥案鄭旣以司中司命

風師雨師爲宗今又以爲佐其說六宗有星辰無日月
其說天宗則日月星辰兼有豈天宗六宗各別不相涉
耶蔡氏月令章句說天宗云日爲陽宗月爲陰宗北辰
爲星宗五經異義賈逵說六宗云天宗三日月星辰地
宗三泰山河海蔡說天宗與賈六宗同賈說六宗與古
尙書說同司馬彪說六宗云天宗日月星辰寒暑之屬
地宗社稷五祀之屬四方之宗四時五帝之屬諸說雖
異要當以天宗歸於六宗也

昏墊

洪水滔天下民昏墊孔傳言天下民昏瞶墊溺皆困水

災也張景陽詩洪潦浩方割人懷昏墊情李善注引孔
傳以爲人病水災案謝靈運游南亭詩久痗昏墊苦此
言久病竝無水患成六年左傳民愁則墊隘杜注墊隘
羸困也襄九年傳夫婦辛苦墊隘杜注墊隘猶委頓唐
張廷珪上疏或謂人窮不足恤而億兆攜離愁苦昏墊
則無以奉上矣

載

舜典有能奮庸熙帝之載傳云言奮起其功以廣帝堯
之事甘泉賦上天之緯李善注緯事也引詩上天之載
案說文宰臯人在屋下執事者載緯訓事其義出於宰

文選引書句讀

文選應貞詩聲敎南暨李善注引尚書朔南暨聲敎晉書地理志夏后氏東漸於海西被於流沙南浮於江而朔南暨聲敎案漢書賈捐之曰西被流沙東漸於海朔南暨聲敎言欲與聲敎則治之不欲與者不彊治也馥謂自漢至唐皆以聲敎絕句宋人始屬下讀

子弗子

啓呱呱而泣子弗子釋文子鄭將吏反案列子說符篇禹惟荒土功子產弗字孔傳聞啓泣聲不暇子名之皆與鄭讀同禮內則父執子之右手咳而名之說文咳小

兒笑也李善文選注引字林同史記扁鵲傳曾不可以
告咳嬰之兒注謂嬰兒初知笑者馥謂咳而名之兒知
笑已漸長矣呱呱而泣初生未久也一言泣一言笑皆
謂名子事也

臣哉鄰哉

皋陶謨帝曰吁臣哉鄰哉鄰哉臣哉傳云鄰近也言君
臣道近相須而成馥謂鄰卽下文欽四鄰之鄰傳以四
鄰爲四近是也尙書大傳古者天子必有四鄰前曰疑
後曰丞左曰輔右曰弼

邁

莊八年左傳引書皋陶邁種德杜注稱皋陶能勉種德邁勉也馥案借邁爲勸書立政用勸相我國家傳云用勉治國家釋文云勸音邁左傳距躍三百杜注百猶勵也釋文作勵音邁

夔夔

大禹謨夔夔齊慄正作惓惓方言惓惓也

下土墳壚

禹貢豫州下土墳壚馬融注豫州地有三等下者墳壚也豫州地青鄆注壚疏也梁州厥土青黎王肅注青黑色黎小疏也馥謂壚黑剛土今說文壚下脫黑字埤訓

赤剛土則壚爲黑剛土矣馬謂豫州地青青卽黑故王云青黑色

赤埴墳

徐州厥土赤埴墳埴鄭本作哉注云哉讀曰熾熾赤也案赤古文从炎土作𡗗禹貢古文當作𡗗鄭訓赤義同略

胡渭曰嶠夷旣略略字必有精意按左傳曰天子經略諸侯正封古之制也封略之內何非君土又曰封畛土略又曰侵敗王略略皆訓界經略猶言經界也馥案略字見左傳者除胡所引尙有七處莊二十一年傳王與

之武公之略注云略界也僖十五年傳東盡虢略注云東盡虢界也此二處皆訓界又隱五年傳吾將略地焉注云略總攝巡行之名宣十一年傳略基趾注云略行也昭二十四年傳楚子爲舟師以略吳疆注云略行也此三處皆訓行又僖十六年傳會于淮謀鄆且東略也宣十五年傳晉侯治兵于稷以略狄土此二處亦行義馥謂禹貢略字當主巡行經略其畫疆定界卽經略之所有事也漢書地理志自昔黃唐經略萬國變定東西疆理南北吳都賦故其經略上當星紀拓土畫疆卓犖兼并

東出於陶丘北

導水東出於陶丘北說文陶下引作東至于陶丘無北字李善注文選應貞詩顏師古注漢書高帝紀引說文亦無北字丘古文作聖或以聖之一字誤爲丘北二字歟鄭氏云言至于者或山或澤皆非水名據此則鄭木亦作至于矣禹貢下文云又東至于菏是先至于陶丘又至于菏荷卽澤也鄭氏詩譜曹者禹貢兗州陶丘之北地名此言曹在丘北非謂水出丘北

雲土夢

荊州雲土夢作又傳作雲夢土解云雲夢之澤在江南

其中有平土丘案夢溪筆談唐太宗時得古本作雲土
夢又紫水經沔水又東南過江夏雲杜縣東酈注禹貢
所謂雲土夢作又故縣取名焉馥謂杜古多省作土韓
詩徹彼桑杜今詩作桑土是也

三江

揚州三江旣入鄭注三江分於彭蠡爲三孔東入海案
三孔鄭讀爲荊州九江孔殷之孔鄭彼注云九江從山
谿而出其孔衆多是也史記孔殷作甚中與鄭異
四瀆本作四寶謂四孔史晨碑孔瀆亦當爲寶

齒革羽毛

齒革羽毛惟本傳云毛旄牛尾案旄牛出西南夷不屬揚州此因荊州厥貢羽毛齒革傳以爲與揚州同也荊州兼四川之東界則有旄牛矣

襄十四年傳范宣子假羽毛於齊齊不產旄牛

怪石

青州鉛松怪石傳以爲怪異好石出岱山之谷此蒙上文岱畎言之今泰山不出怪石青州之博山益都萊州之掖縣平度卽墨登州之萊陽福山棲霞皆出異石色備五彩堅光如玉

刻

微子我舊云刻子傳云我前日所言適以害子晉書樂志亥者効也言時陰氣効殺萬物也

執夷

牧誓如虎如貔傳云貔執夷虎屬也郭注爾雅陸幾詩疏竝以執夷爲貔別名陸德明禮記釋文引書傳作執夷反案執夷固可爲貔之反語但作傳者方託於孔孔時無反語豈得不知後人因釋文多反語遂加反字

考終命

洪範五福五曰考終命案此與天祿永終惟永終是圖皆不同鄭注考成也終性命謂皆生佼好以至老也又

注六極五曰惡云貌恭則容儼形美而成性以終其命
容毀故惡也據鄭意謂容貌美好至老無殘毀案曾子
啓手啓足卽爲考終命子夏失明不得爲考終命孔傳
謂不橫夭與一曰壽何異

蒙

大傳五行傳不聖厥咎蒙厥罰恒風鄭注蒙冒也君臣
心有不明則相蒙冒矣案洪範咎徵曰蒙恒風若疏引
鄭注蒙見冒亂也馥謂蒙無冒義說文冒冢而前也冢
覆也洪範借蒙爲冢五行傳之蒙亦當爲冢因前曰蒙
之文致誤也蓋稽疑曰蒙五行傳作曰蒙也咎徵之蒙

當作蒙稽疑之蒙當作蒙其義各異

蒙見冒亂見當爲覓說文覓突前也蒙覓連讀

不昏作勞

盤庚不昏作勞孔傳昏強也鄭注昏讀爲散散勉也釋文昏馬同本或作散音敏爾雅昏散皆訓強故兩存馥案當爲敗說文敗彊也

西京賦何必昏於作勞薛綜注昏勉也

度乃口

盤庚度乃口釋文度徐如字亦作渡案渡傳寫之誤當爲敗說文敗閉也言閉口毋浮言傳訓法度非是

卣

秬鬯一卣卣周禮作修春官廟用修

宅心知訓

康誥汝丕遠惟商耆成人宅心知訓此言老成人多識
前言居心求之自明訓教又云別求聞由古先哲王用
康保民此又言遠求之古人故鄭注謂古先哲王虞夏
也傳解知訓謂知訓民馥以訓民當爲保民之義知訓
則專屬康叔與訓民無涉

無逸

無逸漢石經作勅玉篇勅豫也漢書作佚

咸和萬民

咸和萬民傳云皆和萬民案說文誠和也引周書不能
誠於小民此咸亦當作誠誠和竝言古語多如此

天命自度

嚴恭寅畏天命自度漢石經度作亮案亮篆作𡗗說文
𡗗事有不善言𡗗也蓋太戊敬畏天命自𡗗也

耽樂

惟耽樂之從自時厥後亦罔或克壽論衡語增篇說云
長夜之飲糟丘酒池不舍晝夜是必病病則不甘飲食
困毒而死無逸又曰繼自今嗣王則其無淫於觀於逸

於遊於田以萬民惟正之供無皇曰今日耽樂漢書谷
永傳引云繼自今嗣王其毋淫於酒毋逸於遊田惟正
之共案經二耽字竝當作酖說文酖樂酒也說此經者
皆言酒下文無若殷王受之迷亂酖於酒德哉亦言酒
翼曰翼室

顧命越翼日乙丑傳曰明日又延入翼室傳曰明室疏
引釋言翼明也案說文廟翌也經傳多借字故以明爲
廟翼爲翌

罔可念聽

多方罔可念聽傳云事無可念言無可聽案上文惟聖

罔念作狂惟狂克念作聖疑念聽當爲念聖言紂所爲無可念作聖者無逸此厥不聽漢石經聽作聖蓋聽聖形近傳寫易譌

不克開於民之麗

不克開於民之麗傳云不能開於民所施政教麗施也下文愼厥麗傳云愼其施政於民又顧命冀麗陳教傳云定天命施陳教呂刑越茲麗刑鄭注麗施也又匪察于獄之麗傳亦訓施案麗當爲嚴說文嚴數也數當爲敷廣雅嚴布也施敷布義同

周禮以八辟麗邦法杜子春讀爲羅鄭以爲附麗馥

謂當作殿書所謂敬敷五教也

予造天役

大誥予造天役釋文引馬注造遺也案遺當爲邁傳寫之誤漢書翟義傳引書予遭天役遭有邁義故馬注訓邁文侯之命嗣造天丕愆孔傳訓造爲遭是造遭以聲借也

天閔恣我成功所

爾知寧王若勤哉天閔恣我成功所傳云汝知文王若彼之勤勞哉閔慎也言天慎勞我周家成功所在案此傳不了閔無慎義訓慎者乃恣字所云慎勞以勞解勤

字而闕竟無訓下文天亦惟用勤愷我民傳云天亦勞
慎我民故知以慎訓愷以勞訓勤也

旣底法

若考作室旣底法厥子乃弗冑堂矧冑構案底法疑底
定言父已定基址子不冑爲堂構下文罔敢易法王莽
疑之云爾不得易定蓋古文定作𠂔法作𠂔形近致誤
越茲蠡

洪範用靜吉用作凶大誥西土人亦不靜越茲蠡案蠡
卽洪範之作釋詁蠡作也

猷猷庸庸

洛誥無若火始燄燄梅福上書引作庸庸注云庸庸微
小兒也案昭十八年左氏傳是謂融風火之始也杜注
東北曰融風淮南地形訓東北曰炎風高注艮氣所生
也一曰融風馥謂燄燄當爲炎炎庸庸當爲融融張晏
曰融風立春木風也火之母也火所始生也馥謂此雖
言風義通於火

頌

洛誥乃惟孺子頌朕不暇釋文引馬曰頌猶也猶下脫
一字若與鄭義同則當云頌猶分也

師聽五辭

呂刑師聽五辭傳訓師爲衆複謂師士師

泯泯焚焚

泯泯焚焚傳云泯泯爲亂焚焚同惡逸周書祭公解泯
泯芬芬孔注泯芬亂也馥案泯正作泯說文泯愾也愾
亂也

攘

奪攘矯虔鄭注有因而盜曰攘費誓無敢寇攘鄭注因
其亡失曰攘博士讀曰襄馥案釋詁攘因也馬注皋陶
謨襄因也

格命

庶有格命鄭注格登也案方言格登也此鄭所據然格
格借字當爲假曲禮天王登假列子天下大治而帝登
假漢華山廟碑思登假之道皆以登假連文假卽假之
省說文假至也周易王假有廟訓假爲至孔傳庶幾有
至命亦以格爲至格假無至義訓至者皆假也

惟貌有稽

惟貌有稽傳云惟察其貌有所考合案說文緇旄絲也
引周書惟緇有稽旄當爲旄集韻旄絲曰緇言簡有衆
如治旄絲也

徐奄

費誓淮夷徐戎竝興傳云淮浦之夷徐州之戎竝起爲
寇昭元年左傳周有徐奄杜注徐卽淮夷服注魯公所
伐徐戎也案說文魯東有邾城又云周公所誅邾國在
魯公字後人加之當是周所誅也邾邾竝在魯境成王
誅邾魯公滅邾邾卽服氏所謂徐戎

獲穽

杜乃獲斂乃穽鄭注山林之田春始穿地爲穽或設獲
其中以遮獸獲柞鄂也周禮籬氏春令爲穽獲溝瀆之
利於民者鄭注穽穿地爲塹可以禦禽獸其或超踰則
陷焉世謂之陷阱獲柞罟也堅地穽淺則設柞罟於其

中賈疏云柞器者豎柞於中向上器器然所以載禽獸使足不至地不得躍而出謂之柞器國語魯語鳥獸成設筭鄂韋昭注鄂柞格所以誤禽玉篇楞筭也

罔攸賓

多士予惟四方罔攸賓釋文賓徐音殯馬曰賓却也案賓當爲覘說文覘蔽不見也莫結切廣韻與殯同必刃切正合徐音今俗作擯戰國趙策六國從親以擯秦又作賓史記六國表秦小國僻遠諸夏賓之比於戎翟

簡

說文簡下云簡存也從心簡省聲讀若簡徐鍇繫傳引

尚書簡在上帝之心馥謂書古文作簡謂帝心存之也
今借簡字玉篇簡音萌爾雅釋訓存存萌萌在也邢疏
萌字書作𦵏說文作簡

亶

書誕告用亶其有衆又亶聰明作元后傳竝云亶誠也
詩亶其然乎又祈父亶不聰又擇三有事亶侯多臧傳
竝云亶誠也

餘波

李善注鸚鵡賦引書導弱水餘被入於流沙或以被爲
波之譌余曰李引經每與今本不同被讀如被孟豬之

被宜存此說

毫

詩關雎左右毫之傳云毫擇也案新唐書韋陟傳窮治
饌羞以鳥羽擇米馥謂毫从毛擇物以羽毛古有此訓
故毛公用之

慙

甘棠召伯所慙釋文云慙本又作揭案揭當爲惕說文
惕息也

桷杙

兔置桷之丁丁傳云丁丁桷杙聲也案六韜桷杙大槌

重五斤柄長二尺以上尚書大傳椶杙者有數隋書元
弘嗣傳每推鞠囚徒或椶弋其下竅漢書酷吏傳楊著
其姓名顏注楊杙也椶杙而書死者名也

湘

采蘋于以湘之維錡及金毛傳湘亨也廣雅鴈飪也漢
書郊祀志皆嘗鴈亨上帝鬼神顏注鴈亨煮而祀也引
韓詩于以鴈之案說文鴈煮也玉篇鴈與鴈同湘乃借
字

蘭

鄭風方秉蘭兮毛傳云蘭蘭也太平御覽引韓詩蘭蘭

也蘭非蘭訓蘭者蘭香草蘭之屬也案蘭卽蕪山海經
吳林之山其中多蕪草說文蕪草出吳林山廣韻蕪香
草蘭同上覆謂蘭卽蘭字盛宏之荊州記都梁縣有山
山下有水清泚其中生蘭草名都梁香

蕪又與菅通吳越春秋干將曰後世卽山作冶麻經
蕪服陳書徐陵傳京邑上墟蕪蓬蕭瑟

蘊結

檜風我心蘊結小雅我心苑結皆謂鬱結也集韻愠怨
竝音鬱心所鬱積也南風歌可以解吾民之愠兮史記
倉公傳宛篤不發荀子哀公篇富有天下而無怨財注

云怨讀爲蒞

鶉之奔奔

鄘風鶉之奔奔鄭箋奔奔言其居有常匹飛則相隨之貌禮表記引詩作賁賁鄭注賁賁爭鬪惡貌呂氏春秋引詩亦作賁賁高注賁賁爲其色不純馥謂高義爲長

聊

衛風聊與之謀箋云聊且畧之詞廣雅聊苟且也案字當作憀李善注笙賦引聲類憀且也

諛草

焉得諛草言樹之背說文蕙令人忘憂草也引詩安得

蕙草或从煖或从宣王伯厚詩考據爾雅音義引詩作
萎案爾雅諉忘也施乾說爾雅萎忘也此卽忘憂之說
也

剝棗

幽風八月剝棗前賢說剝義未了說文剝裂也勢剝也
勢埤也言棗孰蒂埤裂而落有似於栗也

熒熒

廣韻炯下云熱氣炯炯出字林爾雅熒熒熏也詩蘊隆
熒熒徐邈音徒冬反韓詩作炯炯續漢書郡國志陳畱
郡封上有桐牢亭或曰古蟲牢同蟲聲相近故炯或作

燼廣雅烱熟也熟當爲熱說文舛赤色也從赤蟲省聲
詩變赤從火而蟲則不省蓋燼烱皆舛之或體

餽

角弓如食宜餽毛傳餽飽也鄭箋王如食老則宜令之
飽馥案襄二十六年左傳是以將賞爲之加膳加膳則
飫賜杜注飫饜也酒食賜下無不饜足是餽飫義同說
文餽作餽飫作饫竝音依據切

訊

采芑執訊獲醜傳云訊辭也箋云訊言也案禮王制出
征執有罪反釋奠於學以訊馘告與傳意合傳蓋讀如

秋官小司寇訊羣臣之訊說文辭訟也

芭

薄言采芭陸璣疏云芭菜似苦菜也莖青白色摘其葉有白汁出脆可生食亦可烝爲茹青州謂之芭西河鴈門尤美齊民要術引詩義疏蘆苦葵青州謂之芭初學記引夏小正采芭注云芭蘧也馥案蘧當爲蘆說文蘆菜也

瞽瞍

板聽我瞽瞍傳云瞽瞍猶瞽瞍也箋云瞽瞍然不肖受馥謂當爲不肖受廣韻瞽不肖語也楚詞九思令尹兮

警警王逸云不聽話言而妄語也

說文徐鉉本警不肖人也韻會引徐鉉本作不肖人言也馥謂不肖當作不省

會朝清明

偃師武億曰楚辭天問會鼃爭盟何踐吾期注云爭一

作請案鼃朝同字說文鼃讀若朝杜林以爲朝旦請清音相近盟明通

用詩黃鳥不可與明箋云明當爲盟是屈子引詩會朝清明作問蓋云

以甲子日赴膠鬲請盟之期毛鄭以爲日之清明非是

魚鼃

韓奕魚鼃鮮魚箋云包鼃以火熟之也正義云案字書

魚毛燒肉也魚烝也通俗文曰燖煮曰魚然則包與魚別而此及六月云包鼈者音皆作魚然則包與魚以火熟之謂烝煮之也此謂魚字音皆作魚者徐音甫九反是也箋謂魚以火熟之者亦魚字義玉篇魚火熟也是也陳啟源曰毛燒不可施於鼈魚作魚爲當馥案魚正作燂說文燂烝也燂轉爲魚者孚包聲相近𠂔或作𠂔𠂔或作抱𠂔或作胞呂氏春秋燂人卽庖人公羊傳包來左氏作浮來漢書浮丘伯鹽鐵論作包丘子是也內則魴鱖蒸雛燒臠侃疏云魴鱖二魚皆蒸熟之雛是小鳥火中燒之是則魚烝鳥燒自昔皆然鼈亦魚類故宜

煇也

名

齊風猗嗟名兮毛傳云目上爲名釋訓同郭云眉眼之間孫云目上平博玉篇引詩作顙云眉目閒也韻會引說文顙眉目閒也今說文無此文或引玉篇誤傳說文也字又作昭西京賦昭藐流眄注云昭眉睫之間

緡

抑荏染柔木言緡之絲傳云緡被也案說文吳人解衣相被謂之緡

厭厭

載芟厭厭其苗箋云厭厭衆齊等也案集韻稽稽苗齊等也

平平

采芣平平左右毛傳平平辯治也韓詩作便便云閒雅之兒案漢書敘傳敞亦平平文雅自贊卽韓詩閒雅之意

馬祖

吉日旣伯旣禱毛傳伯馬祖也重物慎微將用馬力必先爲之禱其祖漢書敘傳類禡厭宗應劭曰禡馬祖也馬者兵之首故祭其先神也馥案周禮校人春祭馬祖

鄭注馬祖天駟也孝經說曰房爲龍馬釋天天駟房也
郭注龍爲天馬故房四星謂之天駟

赫

大雅反予來赫鄭箋口拒人謂之赫釋文赫亦作嚇鄭
許嫁反毛音許白反莊子秋水篇鴟得腐鼠鵩過之
仰而視之曰嚇司馬注云怒其聲恐其奪已也釋文嚇
許嫁反又許伯反晉涼武昭王述志賦穢鴟鵂之籠嚇
欽飛鳳於太清案廣韻嚇呼格切怒也漢舊律有劫略
恐獨科其字作獨獨赫聲近赫借字嚇俗字晉書音義
獨相恐也史記王子侯表葛魁節侯寬坐縛家吏恐獨

受賕棄市漢書平城侯禮坐恐獨取雞兔承鄉侯德天
坐恐獨國人受財臧五百以上免籍陽侯顯坐恐獨國
民取財物免王莽傳各爲權勢恐獨良民顏注獨以威
力脅之也音呼葛反戰國策恫疑虛獨高誘注獨喘息
懼兒晉張裴上律表律有事狀相似而罪名相涉者守
將中有惡言爲恐獨通作曷又作喝僖十四年公羊傳
注杞王者之後尤微是見恐曷而亾戰國策橫人日夜
務以秦權恐喝諸侯以求割地又譌作惴通鑑開元初
侍御史楊瑒廷曰若糾彈之司使奸人得而恐惴則御
史臺可廢矣

蹂潤

大雅或簸或蹂箋云蹂之言潤也正義云蹂黍以水潤米必當蹂之使濕馥案蹂當爲徠說文徠復也謂揜抄也文字集畧煩擱猶揜抄也考工記鮑人進而握之鄭注謂煩擱之也是潤當爲擱正義以爲水潤米失之

禮天子所御

生民傳云后妃率九嬪御乃禮天子所御帶以弓韉授以弓矢於郊禘之前鄭注月令亦引作禮又引王居明堂禮帶以弓韉禮之禘下馥案禮蔡氏月令章句作醴云飲以醴酒後漢禮儀志注引作飲之以禮皆沿毛傳

之誤

善走

駟以車釋釋傳云釋釋善走也釋文作善足云釋崔本作驛漢書音義如淳曰律四馬高足爲傳置中足爲馳置下足爲乘置馥謂高足卽善足

柞

周頌載芟載柞毛傳除木曰柞周禮夏官柞氏掌攻草木馥案柞依字當爲槎柞槎聲相近集韻柞與槎同說文槎衰斫也引春秋傳山木不槎中庸疏獲謂柞樗也柞樗亦衰斫之木

嗒嗒淒淒

淒其以風又風雨淒淒說文引詩作嗒嗒又北風其淒
毛傳云淒疾貌子虛賦作淒淒亦疾貌

濊濊

施罟濊濊釋文引馬云濊大魚網目大豁也馥案馬義
當爲𩺰𩺰說文𩺰空大也讀若詩施罟濊濊馥謂說文
引詩施罟𩺰𩺰以證空大後人改爲濊濊又加讀若二
字遂使詩與說文並失其義矣說文濊下引詩施罟濊
濊後人加之非許所引也

淵回

秉心塞淵其心塞淵其德不回求福不回徐方不回回
猶違也左傳君無違德論衡引作回德塞淵卽左傳昭
德塞違也會稽典錄虞翻稱丁固塞淵好德

抗

燔之炙之傳云炕火曰炙正義云炕舉也謂以物貫之
而舉於火上以炙之馥案漢書揚雄傳炕浮柱之飛棖
顏注炕與抗同舉也言舉立浮柱而駕飛棖

夜何其

夜何其曲禮梁曰薌其注云其詞也釋文云其字又作
箕同音姬語詞也案檀弓何居注云居讀爲姬姓之姬

齊魯之間語助也然則其箕居姬音義同

弗

弗祿爾康矣郭注爾雅引作祓祿案生民以弗無子箋云弗之言祓也

靡神不宗

靡神不宗後漢順帝詔作靡神不禋案禮記祭法幽宗祭星也雩宗祭水旱也鄭注宗皆當爲禋禋之言營也

讐

無言不讐毛傳讐用也案集韻讐古文作周馥疑毛傳以周釋讐譌周爲用

九折之澤

鶴鳴于九臯韓詩章句九臯九折之澤論衡鶴鳴九折之澤馥謂九折者如九折之阪是也澤不得言折二澤字並當作臯臯乃臯之正體隸作罕因譌爲澤

翳

皇矣其蓄其翳釋文云翳韓詩作殪案釋名殪翳也就隱翳也

媚

文選江賦螭螭媚媚李善注云媚食之顏色有愛媚案詩思齊思媚周姜毛傳云媚愛也卷阿媚於天子下武

媚茲一人鄭箋竝云媚愛也宣三年左傳人服媚之杜
注媚愛也

栳

象之栳也廣韻從木作栳云栳枝整髮釵也釋名簪枝
也因形名之也晉書輿服志皮弁象玉邱注云邱冠下
抵也象骨爲之音帝案邱抵通宋玉風賦邱萼葉而振
氣史記河渠書西邱瓠口皆以邱爲抵邱卽廣韻之栳
詩從手廣韻云栳佩飾或因詩爲義但栳栳俱不見於
說文吾友莊君述祖欲篆毛詩凡假借字各還本體寫
至栳字不得其義舉以見問余謂栳卽撻之異文說文

擿搔也搔拑也拑絜也髻絜髮也體骨擿之可會髮者
引詩體弁如星然則擿搔爲會髮絜髮之具也

暨

假樂民之攸暨傳云暨息也成二年左傳引詩作暨杜
注暨息也一切經音義憩說文作惕蒼頡篇作𦣻馥案
玉篇𦣻息也

茶

出其東門有女如茶箋云茶茅秀案經典多用茶字旣
夕記茵著用茶注云茶茅秀也周禮掌茶注云茶茅莠
考工記鮑人之事望而眡之欲其茶白也注云當如茅

莠之色吳語皆白常白旂素甲白羽之贈望之如茶韋
注茶茅秀也漢書禮樂志顏如茶應劭曰茶野菅白華
也馥謂茶當爲茆茆茶聲相近借茶字說文茆茆茆也
或又作蔣廣雅蔣菰茅秀也集韻蔣亦作茆古作茶

誰就

室人交徧摧我釋文云摧韓詩作誰就也案就當爲訖
字之誤也鄭箋所謂刺譏之言

駟駟牧馬

駟駟牧馬傳云駟駟良馬腹幹肥張也案玉篇駟與駟
同詩釋文云駟古熒反說文作駟考說文駟牧馬苑也

引詩在駟之野駟馬盛肥也引詩四牡駟駟兩字竝音
古熒切馥謂四牡駟駟後人亂之當爲駟駟牧馬毛傳
腹幹肥張卽說文盛肥義詩以駟駟代駟駟又以圻野
代駟野讀者茫然幸有玉篇釋文可爲推正說文雖亂
尙能理之

疹

釋文引韓詩胡寧疹我以旱疹重也案疹通作疹釋言
疹重也隱三年左傳憾而能疹者鮮矣杜注不能自安
自重

忖度

他人有心予忖度之當爲剗劇說文剗切也劇判也玉藻瓜祭上環注云上環頭忖也釋文云忖本又作剗切也漢書光帝紀自度曲被歌聲分剗節度韋昭曰剗切也謂能分切句絕爲之節制也

服箱

大東睨彼牽牛不以服箱傳云服牝服也箱大車之箱也箋云牽牛不可用於牝服之箱戴侗曰按毛鄭皆以服與箱爲二物說文徑以箱爲牝服詳詩人辭意服如服牛服鹽車之服謂星雖有牽牛而不可用之以服車箱也馥案後漢書張衡傳羈要裹以服箱

變

車牽思變季女逝兮傳云變貌案說文變慕也與思變意合

迺

長發百祿是迺傳云迺聚也案訓聚乃摛字義說文引詩作摛破斧傳云迺固也廣韻摛固也是詩借迺字長發迺字亦訓固爲得

優

瞻卬天之降罔惟其優矣傳云優渥也箋云優寬也信南山旣優旣渥箋云潤澤饒洽案說文優饒也漫澤多

也瞻卬之優箋義得之信南山之優當爲漫

升氣

蛭蟪朝躋于西崇朝其雨箋云朝有升氣于西方案釋名蛭蟪見於西方曰升朝日始升而出見也

唐棣

論語引詩唐棣之華偏其反而注云唐棣移也華反而後合本草拾遺扶移木花反而後合劉氏新論明權篇若唐棣之華反而更合也

繼檠

角弓翩其反矣傳云不善繼檠巧用則翩然而反案荀

子非相篇故君子之度己則以繩接人則用批注云韓侍郎云批者檠批也匡弓弩之器也

藝

行葦舍矢旣均傳云已均中藝箋云藝質也文六年左傳陳之藝極注云藝準也漢書司馬相如傳弦矢分藝殪仆文穎曰所射準的爲藝顏師古曰藝謂射的卽今之垛上檠也藝讀與藝同字亦作臬音魚列反馥案藝臬聲相近寢或作噉是也

演安

士昏禮贊洗爵酌醕主人注云醕漱也醕之言演也安

也士虞禮主人洗廢爵酌酒醕尸注云醕安食也昏禮
合卺而醕正義云醕演也謂食畢飲酒演安馥案演或
作衍特牲饋食禮主人洗角升酌醕尸注云醕猶衍也

厭

鄉飲酒禮賓厭介鄭注推手曰指引手曰厭疏云引手
曰厭者以手向身引之秋官司儀疏云凡指皆推手至
於擡卽引手爲異也馥謂厭引手卽擡也

啐

士冠禮啐醴雜記主人之酢也啐之衆賓兄弟則皆啐
之注云啐啐皆嘗也啐至齒啐入口書顧命傳云啐至

齒正義云啐入口是啐至於齒馥謂啐當爲啐說文啐小飲也集韻啐小飲又云少飲酒也卽啐字義

苟敬

燕禮記賓爲苟敬鄭注苟且也假也聘禮記賓爲苟敬注云苟敬者主人所以小敬也又注大射儀云阼階上近君近君則親寵苟敬私昵之坐案敬從苟苟音已力切說文苟自急救也從羊省從包省從口口猶慎言也馥謂此是從羊之苟鄭誤以爲從艸之苟又箋詩無曰苟矣亦解爲苟且之苟馥謂苟與下逝字失韻詩亦從羊之苟蓋謂無曰已能慎言也

敬姓分爲二姓一曰嚳一曰文敬從苟攴非嚳文二姓皆失之

韋當

鄉射記栢韋當注云直心背之衣曰當濟陽張蒿庵說云韋當者以韋束栢之中央如人心背之衣也馥謂卽兩當釋名其一當冒其一當背是也今謂之背心

繹

旣夕記冠六升外繹謂縫著於武也考工記玉人之事天子圭中必注云必讀如鹿車繹之繹謂以紐約其中央爲執之以備失隊方言車下鉄陳宋淮楚之間謂之

畢大者謂之綦注云鹿車也馥案鉄當爲紕旣夕所謂外繹玉人所謂中必言縫紕而約束之

搢

大射儀搢三挾一个注云搢扱也案夏官田僕凡田王提馬而走諸侯晉注云晉猶抑也馥案搢晉義同抑馬猶言收馬扱亦收也漢書刑法志負矢五十个孫炎漏刻銘累箇三階馥謂箇亦矢也後漢律歷志孔壺爲漏浮箭爲刻王褒賦挈壺司刻漏尊瀉流仙叟秉矢隨水沈浮

絹綱耳

大射儀中離維綱注云侯有上下綱其邪制躬舌之角者爲維或曰維當爲絹絹綱耳疏云梓人云上綱與下綱出舌尋絹寸焉注綱所以繫侯植者上下皆出舌一尋者亦人張手之節也鄭司農云絹籠綱者維持侯者若然則綱與維當用繩爲之又以布爲絹籠綱然後以上个下个邊綴著絹兩頭以綱繫著植維者於上个下个上下躬兩頭皆有角又以小繩綴角繫著植故矢或離綱或離維也絹綱耳者以絹爲綱耳離著絹也釋文云絹劉侯犬反又於貧反一音古縣反又古犬反馥案

古犬反是釋文不能定其字與音也說文緝持綱紐也引周禮緝寸廣韻緝爲贛切繩紐玉篇緝維持繩紐細者馥謂鄭注兩緝字竝當作緝傳寫譌謬賈氏沿襲不察爾綱耳當爲綱紐

豐

嘉定錢君

大昭

有古瓦頭禪文曰𧰨案豐古文從𧰨是

𧰨爲古文曲爲小篆今說文豐言象形後人亂之儀禮大射儀膳尊兩甒在南有豐注云豐以承尊也其爲字從豆豐聲疏云此謂上聲下形之字年和穀豆多有故從豆爲形也

此腹說也本從俎豆之豆非亦豆字

豐

當作

者承尊之器象

形也是以曲

當作豐

年之字豐

當作曲

下著豆今諸經皆以

承尊爵之曲不用本字之曲而用豐年之豐故鄭還依豐字解之馥案賈氏謂曲爲承尊豐爲豐年其說本自明了俗本互誤讀之意晦今爲正其三字則賈說暢然矣

扼

喪服苴絰大搗鄭注搗扼也案扼卽搗之或體字不應以或體釋正文馥謂當爲搯士喪禮苴絰大搗鄭注搗搯也中人之手搯圍九寸是也搯扼以聲相通後漢書班固傳扼猛噬注云說文曰搯捉也音尼搯與扼通

楣

聘禮公當楣再拜注云楣謂之梁鄉飲酒禮主人阼階上當楣北面再拜注云楣前梁也鄉射記序則物當棟堂則物當楣注云是制五架之屋也正中曰棟次曰楣前曰庑書無逸乃或亮陰鄭本作梁闇注云楣謂之梁葛洪喪服變除云作廬先橫一木長梁著地因立細木於上以草被之既葬則剪去此草之拍地以短柱柱起此橫梁之著地謂之柱楣楣一名梁馥案諸楣字竝當作楣釋宮楣謂之梁郭注門戶上橫梁釋文云楣忘悲反或作楣亾報反埤蒼云梁也呂伯雍云樞之橫梁馥

謂郭注乃相義寫者誤爲楣說文楣門樞之橫梁

聘禮記脫誤

聘禮記十斗曰斛十六斗曰簋十簋曰秉二百四十斗
四秉曰筥十筥曰稷十稷曰秬四百秉爲一秬說文秬
下引周禮曰二百四十斤爲秉四秉曰筥十筥曰稷十
稷曰秬四百秉爲一秬案所引卽聘禮記之文乃知二
百四十斗斗當爲斤又脫爲秉二字鄭注謂一車之米
秉有五簋誤以爲斗斛簋秉米之總數不知古本二百
四十斤曰秉乃由秉加重至秬爲禾之權數也

修正

周禮天官掌次注云次自修止之處案檀弓曾子與子貢入於其廡而修容焉注云更莊飾

種麥

鄭注邈人云今河間以北煮種麥賣之名曰逢齊民要術作三斛麥麴法烝炒生各一斛種卽鄭所云種麥

鵠

司裘王大射設其鵠注云謂之鵠者取名於鴉鵠鴉鵠小鳥而難中大射儀注云鵠鳥名射之難中中之爲俊是以所射於侯取名也淮南子曰鴉鵠知來案鴉鵠韋鷩也說文鷩韋鷩山鵠知來事鳥也廣雅鷩鷩鷩也廣

韻鴟鵂知未來事噪則行人至鵂字或作鴟鵂謂今俗呼乾鵂是也

方言齊魯間謂題肩爲鴟鳥案月令季冬之月征鳥厲疾注云征鳥題肩也齊人謂之擊征然則所云征者正也俗加鳥旁正鵂皆鳥之捷黠難中者

凌室

凌人掌冰正歲十有二月令斬冰三其凌注云凌冰室也案鄴中記冰井臺有冰室三

福室

遵人朝事之遵其實廡鮑魚脯鄭注鮑者於福室中糗

乾之戴侗六書故引作糒室案說文糒以火乾肉集韻
糒或作糒煇亦作儻馥謂糒室作糒糒乾肉之處從木
者寫誤也

失色

內饗鳥糒色而沙鳴狸鄭注失色不美澤也馥案玉篇
糒牛色不美澤此訓卽糒鄭注鄭之失色蓋牛色之譌

相保

地官大司徒令五家爲比使之相保鄭注保猶任也馥
謂保正作阜說文阜相次也徐鍇曰五家爲阜也使
相次比也十其總率也通作保說文什相什保也吳起

圖國篇鄉里相比什伍相保史記商君列傳令民爲什伍索隱引劉氏云五家爲保十家相連也馥謂相比相連卽相次

求牛

牛人凡祭祀共其享牛求牛鄭注求終也終事之牛謂所以釋者也馥謂求當爲綵說文終下云綵絲也

櫟

草人凡糞種疆櫟用糞注疆櫟疆堅者案襄二十五年左傳數疆潦賈逵注疆櫟燒礪之地廣韻作墜云墜土地之堅也玉篇作鑑云疆鑑堅大

師都

司常師都建旗注云師都六鄉六遂大夫也謂之師都
都民之聚也疏云師衆也都聚也主鄉遂民衆所聚故
謂之師都也案說文引作率都率與帥通周禮本作帥
都寫者誤作師賈疏遂傳會其說鄭注不言作師也率
都者鄉遂大夫爲民率者也

琢駟

春官典瑞駟圭璋璧琮琥璜之渠眉先鄭云駟外有捷
盧也皆爲開渠爲眉琢後鄭云駟讀爲組渠眉玉飾之
溝琢也疏云此六玉兩頭皆有孔又於兩孔之間爲溝

渠於溝之兩畔稍高爲眉瑑以組穿聯於其中也馥案
眉瑑溝瑑竝當作從土之塚塚耕發土也玉篇瑑圭有
圻鄂先鄭所謂瑑有圻鄂瑑起塚卽圻鄂說文瑑圭璧
起兆瑑也兆瑑當爲圻塚駟借字當爲珣珣亦瑑也說
文珣琮玉之瑑卽考工記所云瑑琮也考古圖有駟琮
猶珣琮疏謂以組穿聯非是

忌

小史掌邦國之志鄭司農云志謂忌也案賈誼書不知
先王之諱與國之忌凡此屬太史之任也

翦鬬

夏官圉師茨牆則翦闔注云茨蓋也闔苦也馥謂闔借字正作蕩說文蕩蓋也

五盾

司兵掌五盾各辨其等以待軍事注云五盾干櫓之屬其名未盡聞也案釋名盾大而平者曰吳魁爲魁帥所持也隆者曰須盾須所持也約脇而鄒者曰陷虜狹而長者曰步盾步兵所持與刀相配者也狹而短者曰子盾車上所持者也馥謂五盾之名此或是與

畿

小子掌珎於社稷祈於五祀注云春官肆師職祈或作

畿秋官士師職曰凡刳鉅則奉犬牲此刳鉅正字與馥
案畿本作畿故鄭以爲正字若畿甸字乃假借何得爲
正體說文畿以血有所刳涂祭也

梓

秋官職金注云用金石者作檜雷椎梓之屬疏云皆謂
守城禦捍之具釋文梓宅耕反集韻作梓云木斲

司刺

司刺注云刺殺也訊而有罪則殺之案其職云一刺曰
訊羣臣再刺曰訊羣吏三刺曰訊萬民司刺與漢之刺
史義同主廉察也漢書燕王旦傳遣幸臣之長安問禮

儀陰刺候朝廷事

司刺職云以此三法求民情斷民中而施上服下服之罪然後刑殺馥案三法謂三刺三宥三赦是三刺在三法之內也然後刑殺是三刺非刑殺也

骹

蜡氏掌除骹注云故書骹作脊鄭司農云脊讀爲殯謂死人骨也馥案漢書婁敬傳徒見羸齒老弱史記作羸瘠食貨志國以損瘠卽骹字呂氏春秋正月紀拊髀靈髀高注髀讀水漬物之漬馥謂脊瘠殯漬皆與骹聲相近

枯

掌戮殺王之親者辜之注云辜之言枯也謂磔之案荀子正論篇云斬斷枯磔注云韓子曰采金之禁得而輒辜磔疑辜卽枯也馥案說文砧枯也玉篇砧砧乾通作辜說苑朽者揚其灰未朽者辜其尸

要辭

卿士辯其獄訟異其死刑之罪而要之鄭注要之爲其罪辭如今劾矣案襄十年左傳使王叔氏與伯與合要王叔氏不能舉其契注云要契之辭馥謂要者約也說文契大約也史記高祖紀要束卽約束

軛

考工記軛前十尺而策半之注云書或作軛玄謂軛是軛法也馥案當云軛法也軛卽范之借字

駟琮

玉人之事駟琮注云駟讀爲組以組繫之因名焉案上文瑑圭璋牙璋下文瑑琮皆言文飾此駟琮亦文飾未必如鄭破爲組也當依說文作琮

伯用將

玉人之事伯用將釋文將如字劉音陽案說文伯用埒玉石半相埒也埒譌爲將劉音失之

鬣落

曲禮乘髦馬鄭注髦馬不鬣落也案落當爲銘說文銘
類也今人言落髮爲僧亦當爲銘梵書須髮自銘

縹緣

檀弓黃裏縹緣說文縹下云禮有縹緣戴侗曰禮止有
縹緣縹縹聲相近豈卽一字與

雉

巾生雉經正義云雉牛鼻繩也申生以牛繩自縊而死
也案地官封人凡祭祀飾其牛牲設其楅衡置其絳鄭
司農云絳著牛鼻繩所以牽牛者今時謂之雉與古者

名同

經

經也者實也鄭注儀禮喪服云經之言實也明孝子有忠賢之心釋名經實也傷催之實也

次舍

反哭於爾次注云次舍也案周禮天官掌次疏云次則舍也言次謂次止言舍謂舍息

學官

漢五經立於學官學官卽敎官說文敎覺悟也篆文省作學檀弓叔仲皮學子柳注云學敎也王制天子命之

教然後爲學小學在公宮南之左大學在郊注云學所以學士之宮

呼

曾子聞之瞿然曰呼鄭注呼虛憊之聲馥案列子晝則呻呼卽事夜則昏憊而熟寐

陵躡

故喪事雖遽不陵節注云陵躡也馥案楚辭九歌凌余陣兮躡余行

桃茢

君臨臣喪以巫祝桃茢執戈惡之也鄭注茢萑若可埽

不祥襄二十九年左傳乃使巫以桃茢先祓殯杜注茢
黍稷案說文梨黍稷茢芳也芳葦華也鄭注茢荅卽茢
芳今人稱荅帶當爲芳帶後世易之以黍稷古皆用芳
鄭說是

防墓崩

孔子旣得合葬於防曰吾聞之古也墓而不墳今丘
也東西南北之人也不可以弗識也於是封之崇四
尺孔子先反門人後雨甚至孔子問焉曰爾來何遲
也曰防墓崩孔子不應三孔子泣然流涕曰吾聞之
古不修墓

謹案崇四尺謂墳也鄭注土之高者曰墳是也防墓崩謂墓域鄭注墓謂兆域今之封塋也是也庾蔚謂防守其墓備擬其崩馥謂防守塋域恐其崩則修治之非修崇四尺之墳也檀弓又云易墓非古也鄭注易謂芟治草木不易者上陵也正義云墓謂冢旁之地又曲禮適墓不登鰲注云鰲冢也墓塋域馥謂墳爲上鰲墓爲兆域諸說甚明檀弓旣言墓而不墳則墳墓各別不容互稱說者謂防墓崩卽新封四尺之墳遇雨而崩此非馥之所敢知也

方言葬而亡墳謂之墓王制不封不樹注云封謂聚

土爲墳周禮曰以爵等爲上封之度檀弓旣葬而封廣輪揜坎其高可隱也注云隱據也封可手據謂高四尺所此言墳也曾子問下殤土周葬於園注云以其去成人遠不就墓也比墓於園則墓非墳矣唐書宋璟傳皇后父將葬故事墳高五丈一尺璟曰儻禮厚葬前世所戒故古墓而不墳又郭子儀傳著令一品墳崇丈八尺詔特增丈以表元功後漢書東平王上疏古者上隴且不欲其著明注云禮記曰古者墓而不墳故言其不欲著明又謝夷吾傳墓不起墳注云墓謂塋域墳謂築土

通鑑漢元帝遣使者祠祭蕭望之冢注云平日墓封
曰冢高曰墳

楊慎曰邯鄲淳曹娥碑上墓起墳蓋言上其平墓而
爲高墳也後世以墳墓混爲一遂疑其重複改爲立
墓起墳非也

子卯

知悼子卒未葬平公飲酒鼓鐘杜蕢曰子卯不樂知悼
子在堂斯其爲子卯也大矣注云紂以甲子死桀以乙
卯亡王者謂之疾日不以舉樂爲吉事昭九年左傳辰
在子卯謂之疾日君徹宴樂學人舍業爲疾故也賈注

與鄭同案翼奉風角云北方好行貪狼申子主之東方
怒行陰賊亥卯主之貪狼必待陰賊而後動陰賊必待
貪狼而後用二陰竝行是以王者忌子卯蓋五行有刑
德行在東方子刑卯刑在北方卯刑子子卯互刑是以
爲忌翼氏之說卽杜預所云子卯也知悼子在堂斯其
爲子卯也大矣者子卯五行之忌尙不舉樂況大臣有
喪更大於子卯矣漢書藝文志有五行奇肱刑德二十
一卷又案駁鄭者云紂以甲子死武以甲子興桀以乙
卯亡湯以乙卯興何爲疾日

漢有剛卯文曰疾日嚴卯此與正月剛卯不同非輔

劉之器乃厭勝也故以卯爲疾日

倮

郊特牲索祭祝于祊祊之爲言倮也注云索求神也倮猶索也馥案倮或作掠國策掠於郊野以足軍食謂求索於郊野

槨

喪大記大棺八寸屬六寸槨四寸從外嚮內親身也曾子問君出疆以三年之戒以槨從注云親身棺曰槨檀弓君卽位而爲槨注云槨謂柩棺親尸者增韻槨棺謂之槨御覽引說文槨附身棺也襄四年左傳定姒薨無

櫬杜注櫬身棺後漢書鄧騭傳乃肉袒與櫬注云櫬親身棺也

謙

大學此之謂自謙鄭注謙讀爲慊慊之言厭也謂誠意自足朱子以爲快也足也馥案莊子天運篇盡去而後慊呂氏春秋知接篇易牙烹其子以慊寡人高注慊快示諸掌

中庸明乎郊社之禮禘嘗之義治國其如示諸掌乎鄭注示讀如寅諸河干之寅寅置也物而在掌中易爲知力者也案仲尼燕居入門而金作示情也升歌清廟示

德也下而管象示事也是故古之君子不必親相與言也
以禮樂相示而已馥謂示諸掌當如禮樂相示之示
猶指示也故仲尼燕居亦云明乎郊社之義嘗禘之禮
治國其如指諸掌而已乎

洩

振河海而不洩復古編洩別作洩非集韻洩漏也吳質
荅東阿王書言辭漏洩是也隱元年左氏傳大隧之外
其樂也洩洩林注洩洩舒散相得之貌漢書食貨志粟
有所洩王莽傳憤耗不洩顏注竝云洩散也枚乘七發
精神越洩周書禹洩七十川大利天下是也

脩

春秋脩其祖廟鄭注脩謂埽糞也周禮大宰祀五帝則掌百官之誓戒與其具脩鄭注脩埽除糞洒昭三十一
年左傳將使歸糞除宗祧以事君

五庫

月令審五庫蔡氏章句一曰車庫二曰兵庫三曰祭器
庫四曰樂器庫五曰晏器庫馥案商君書湯武破桀紂
海內無患遂築五庫藏五色兵偃武也

益其長

仲夏之月挺重囚益其長皇氏以爲增益囚之飯食馥

謂長卽糗內則五十異糗釋文云糗糧也

今月令

鄭注月令鴻鴈來云今月令鴻皆爲候正義云月令出有先後入禮記者爲古不入禮記者爲今則呂氏春秋是也馥案古月令謂明堂月令今月令謂後漢所行之月令鄭云漢始亦以驚蟄爲正月中雨水爲二月節馥案自劉歆作三統歷改雨水爲正月中驚蟄爲二月節後漢遂有改定之月令所謂今月令也

均田

夏小正農率均田傳云率者循也均田者始除田也言

農夫急除田也月令皆修封疆審端徑術又云先定準直農乃不惑鄭注準直謂封疆徑遂也引夏小正農率均田正義以農率爲田畷馥案鄭孔之說皆與傳異後世均田之法又與此異通鑑給事中李安世上言歲飢民流田業多爲豪右所占奪雖桑井難復宜更均量使力業相稱由是始議均田詔遣使者循行州郡與牧守均給天下之田諸男夫十五以上受露田四十畝婦人二十畝奴婢依良丁牛一頭受田三十畝限止四牛所受之田率倍之三易之田再倍之以供耕作及還受之盈縮人年及課則受田老免及身沒則還田奴婢牛隨

有無以還受初受田者男夫給二十畝課種桑五十株桑田皆爲世業身終不還恒計見口有盈者無受無還不足者受種如法盈者得賣其盈諸宰民之官各隨近給公田有差更代相付賣者坐如律

坯

坯城郭鄭注坯益也呂氏春秋作埒高注埒益也呂氏又云埒牆垣高注埒猶培也月令蟄蟲坯戶鄭注坯益也周書時訓解作附附卽埒字埒埒聲相近曾子問殯不祔祭鄭注祔當謂備聲之誤也又培塿說文作附婁

麻疇

月令章句麻田曰疇漢書音義如淳曰今隴西俗麻田
歲歲糞種爲宿疇也說苑王子建出守於城父與成公
乾遇於疇中問曰是何也曰疇也疇也者何也曰所以
爲麻也

燭

禮器三獻燭注云燭沈肉於湯也祭義燭祭注云湯肉
曰燭郊特牲血腥燭祭注云燭或爲臛玉篇燭禮記曰
三獻燭沈肉於湯中也臛瀹也生熟半也馥謂燭假借
燭俗作也依字當爲燡說文燡於湯中淪肉

晉書載記苻生傳活燭雞豚鷺三五十爲羣放之殿

中又借燐字儀禮有司徹乃𡔷尸俎注云古文𡔷作燐聘禮注膚豕肉也惟燐者有膚釋文燐一本作燐
𡔷于鬼神

韻會𡔷說文告也从耳𡔷聲或作𡔷通作𡔷禮記𡔷于鬼神注云告致也玉篇𡔷之忍切埤蒼云告也禮記曰𡔷于鬼神亦作𡔷馥案徐鉉說文無𡔷𡔷二文當出徐錯本玉篇引禮記作𡔷所見者古本也

箭筈

喪服小記箭筈終喪三年案謝靈運山居賦其竹則二箭殊葉自注云二箭一者苦箭大葉一者筈箭細葉

綉

玉藻齊則綉結佩而爵韞注云綉屈也結又屈之旣夕
器西南上綉士喪禮綉絞橫三縮一注竝云綉屈也又
陳襲事于房中西領南上不綉注云綉讀爲綉屈也江
沔之間謂縈收繩爲綉史記楚世家王綉綴蘭臺徐廣
曰綉縈也音爭馥案綉竝當作綉小爾雅詘而戾之曰
綉說文綉紆未縈繩紆詘也一曰縈也鄭注兼詘縈二
義

札樸第一

山陰 李信 校正